



Awst 2005

CAIS AM DYSTYSGRIF MANGRE CLWB

Pa bryd i ddefnyddio'r ffurflen

Mae'r canllawiau hyn yn ymwneud â chais am dystysgrif mangre clwb i awdurdodi gwerthu a chyflenwi alcohol a darparu adloniant rheoledig. Mae Deddf Trwyddedu 2003 ("y Ddeddf") yn cydnabod bod clybiau gwirfoddol a chymdeithasol yn codi materion gwahanol i gyfraith trwyddedu a mangreoedd sy'n cael eu rhedeg yn fasnachol ac sy'n gwerthu yn uniongyrchol i'r cyhoedd. Mae'r clybiau hyn (megis y Llang Brydeinig Frenhinol, clybiau gweithwyr neu glybiau criced neu rygbi) yn sefydliadau cyffredinol lle mae aelodau yn ymuno â'i gilydd ar gyfer diben cymdeithasol, chwaraeon neu wleidyddol penodol ac yna'n cyfuno i brynu alcohol mewn swmp i'w aelodau. Mae'r clybiau'n cynnal gweithgareddau o fangre lle cyfyngir ar fynediad y cyhoedd a lle cyflenwir alcohol ar gyfer diben arall na gwneud elw. Am y rhesymau hyn mae'r Ddeddf yn cadw agweddau i ddeddfau trwyddedu alcohol cynharach oedd yn berthnasol i 'glybiau aelodau cofrestredig' ac mae'n rhoi triniaeth arbennig i glybiau y tu allan i drefniadau trwydded mangre arferol. Mae mwy o wybodaeth am y meini prawf ar gyfer clwb cymwys ar gael ar **wefan DCMS** (www.culture.gov.uk), neu ar gael trwy wneud cais i'ch awdurdod trwyddedu. Dylid nodi bod angen trwydded mangre ar rhai mathau eraill o glybiau sydd yn glybiau perchnogol (ee clybiau aelodau sy'n cael eu rhedeg er elw preifat megis rhai clybiau nos). Mae ffurflen debyg a Chanllawiau ar gael i'r rhai sydd am drwydded mangre.

Mae'n rhaid gwneud cais am dystysgrif mangre clwb i'r awdurdod trwyddedu sy'n gyfrifol am yr ardal lle lleolwyd y clwb. Yn ogystal â ffurflen gais am dystysgrif mangre clwb, bydd angen i chi hefyd gwblhau ffurflen datganiad clwb (gweler diwedd y canllaw hwn). Mae ffurflenni cais ar gael ar wefan DCMS, neu oddi wrth eich awdurdod trwyddedu, ac mae'n bosib bod copïau hefyd ar gael ar wefan eich awdurdod lleol.

A fydd yr awdurdod trwyddedu yn gwirio bod rheolau'r clwb yn cwrdd â'r meini prawf ar gyfer bod yn glwb cymwys?

Mae'r rheoliadau yn ei gwneud yn ofynnol i'r clwb gyflwyno a ffurflen 'datganiad clwb' a chopi o reolau'r clwb gyda'r cais. Bydd yr awdurdod trwyddedu yn pennu a yw rheolau'r clwb yn cwrdd ag amodau'r Ddeddf ar gyfer clybiau cymwys mewn perthynas â gweithgareddau clwb cymwys. Mae'n rhaid i ysgrifennydd y clwb hysbysu ynghylch unrhyw newid yn enw'r clwb neu newid rheolau (mae hyn yn berthnasol hyd yn oed lle mae'r clwb wedi gwneud cais am dystysgrif mangre clwb na chafodd ei benderfynu hyd yma). Mae'n rhaid i awdurdod trwyddedu wrthod cais am dystysgrif mangre clwb os yw'n ymddangos nad yw'r clwb hwnnw yn bodloni'r amodau ar gyfer bod yn glwb cymwys mewn perthynas â'r gweithgareddau ar y dystysgrif.

A fedraf i roi hysbysiad o ddigwyddiad dros dro mewn mangre clwb, heb iddo effeithio ar ei statws fel clwb cymwys?

Mae'r DCMS o'r farn y gellid rhoi uchafswm o 12 hysbysiad o ddigwyddiad dros dro y flwyddyn heb iddo effeithio ar statws clwb fel clwb cymwys. Byddai hyn yn adlewyrchu amgylchiadau cyfredol lle gall clwb gael 12 caniatâd achlysurol y flwyddyn heb iddo effeithio ar ei statws fel clwb. Rhaid i unigolyn, yn hytrach na'r clwb ei hun, roi hysbysiad o ddigwyddiad dros dro.

ANGEN MWY O HELP?

Bwriad y Canllawiau hyn yw helpu clybiau i gwblhau'r ffurflen gais. Gellir dod o hyd i wybodaeth bellach am Ddeddf Trwyddedu 2003 a ffynonellau eraill o help ar wefan DCMS www.culture.gov.uk. Dylai eich awdurdod trwyddedu lleol (eich awdurdod lleol yn y rhan fwyaf o achosion) allu eich helpu chi gydag unrhyw ymholiadau neu roi cyngor i chi ar sut i gwblhau'r cais. Hefyd efallai y byddwch yn dymuno ystyried ffynonellau eraill o gyngor megis corff masnachu perthnasol neu trwy gael cymorth proffesiynol, er enghraifft cyngor cyfreithiol.

Ffurflen Datganiad Clwb

Dylech gynnwys 'ffurflen datganiad clwb' gyda'ch cais am dystysgrif mangre clwb. Mae ffurflenni datganiad clwb ar gael oddi wrth eich awdurdod trwyddedu, neu o wefan DCMS. Mae'r ffurflen hon yn ddatganiad bod eich clwb yn cwrdd â statws clwb cymwys ac mae'n rhaid ei chynnwys gyda'ch cais am dystysgrif mangre clwb. Mae yno dair set o gwestiynau sy'n ymwneud â rheolau neu drefniadau'r clwb a fydd yn galluogi'r awdurdod trwyddedu i benderfynu a yw'r clwb yn cwrdd ag amodau'r Ddeddf ar gyfer clybiau cymwys mewn perthynas â gweithgareddau clwb cymwys. Dim ond set o gwestiynau y dylid eu hateb, yn dibynnu ar y math o glwb sy'n gwneud cais. Dylai cymdeithasau cofrestredig o dan Ddeddf Cymdeithasau Diwydiannol a Darbodus 1965 neu Ddeddf Cymdeithasau Llesiant 1974 a chymdeithasau llesiant cofrestredig o dan Ddeddf Cymdeithasau Llesiant 1992 ateb y cwestiynau yn adran 1. Dylai sefydliadau lles glowyr ateb y cwestiynau yn adran 2 a dylai ceisiadau gan glybiau nad ydynt yn dod o fewn y categorïau hyn ateb y cwestiynau yn adran 3. Mae'n drosedd gwneud datganiad anghywir, a phe baech yn cael eich collfarnu gallech wynebu dirwy o hyd at £5,000.

CWBLHAU'R FFURFLEN

Yn y datganiad agoriadol, dylech roi enw'r clwb sy'n gwneud y cais am dystysgrif mangre clwb - e.e. 'Clwb Cymdeithasol John Smith'.

RHAN 1: Manylion mangre'r clwb

Mae'r adran hon yn gofyn am gyfeiriad a rhai manylion eraill am y fangre. Os nad oes gan fangre'r clwb gyfeiriad post, dylech ddisgrifio lleoliad y fangre neu roi cyfeiriad map Arolwg Ordnans.

Mae'r adran hon hefyd yn gofyn am enw, cyfeiriad a rhai manylion eraill am yr unigolyn sy'n cyflawni dyletswyddau ysgrifennydd y clwb.

Hefyd mae'r adran hon yn gofyn am y gwerth ardrethi annomestig (NDRV) y fangre. Nid yw hyn yr un peth â'r cyfraddau busnes yr ydych yn eu talu, ond yn hytrach yn werth a bennir gan y Swyddfa Brisio sy'n helpu i bennu ar y graddfeydd busnes. Bydd y NDRV, yn hytrach na'r bil cyfradd busnes, yn penderfynu ar y lefel ffi i'w thalu gyda'r cais am drwydded a'r ffi flynyddol. Gellir gwirio NDRV unrhyw fangre ar wefan yr Asiantaeth Swyddfa Brisio (VOA) www.voa.gov.uk. Mae NDRV yn cael ei ailbrisio bob 5 mlynedd. Daeth prisiad newydd i rym ar 1 Ebrill 2005. Mae mangreoedd clwb nad ydynt â NDRV yn cael eu trin fel eu bod yn band A at ddibenion ffi trwyddedu.

Gweler canllawiau ar FEES am ragor o wybodaeth:

www.culture.gov.uk/alcohol_and_entertainment/fee_levels

Er mwyn cael tystysgrif mangre clwb mae'n rhaid i glwb breswyllo a defnyddio mangre clwb yn rheolaidd.

Rhan 2 – Trefn Weithredu 'r Clwb

Dylech nodi'r dyddiad o ba bryd yr hoffech weld y dystysgrif yn dechrau. Ni all y dystysgrif ddod yn weithredol tan yr ail ddiwrnod a enwyd - hynny yw y dyddiad cynharaf y gallwch ofyn amdano. Bydd tystysgrif mangre clwb yn parhau'n ddi-dor, oni noder yn wahanol yn y blwch a ddarparwyd.

Disgrifiad cyffredinol o'r mangre clwb

Yna bydd gofyn i chi ddisgrifio mangre'r clwb. Er enghraifft, y math o fangre, ei lleoliad, a'i gosodiad cyffredinol ac unrhyw wybodaeth arall a fyddai'n berthnasol i'r amcanion trwyddedu. Hefyd dylech ddisgrifio unrhyw ardaloedd yr ydych yn bwriadu eu darparu i bobl i yfed yr alcohol yr ydych yn ei werthu neu ei gyflenwi, megis ardaloedd tu allan, e.e. gerddi cwrw.

5,000 neu fwy o bobl yn mynychu

Nid oes rhaid cwblhau'r blwch hwn os ydych yn credu y bydd llai na 5000 o bobl yn mynychu mangre'r clwb ar unrhyw un adeg. Mae'r ffigwr hwn yn ymwneud â'r nifer uchaf o bobl yn y mangre clwb, gan gynnwys gweithwyr, ar unrhyw un adeg - nid y cyfanswm dros gyfnod o amser. Mae'n bwysig nodi bod y ffigyrau mynychu'n ymwneud â'r 'mangre trwyddedig y clwb' (h.y. ardal drwyddedig y clwb a nodir yn y cynllun) ac nid ardaloedd sydd tu allan i 'fangre trwyddedig y clwb'. Os ydych yn penderfynu na fydd y nifer yn rhagori ar 5000 byddwch yn gyfrifol am sicrhau nad yw'r niferoedd ar unrhyw un adeg yn mynd yn uwch na'r ffigwr hwn.

<p>A yw mangre oedd gyda thystysgrifau mangre clwb yn gorfod talu'r ffi ychwanegol ar gyfer digwyddiadau mawr?</p>
<p>O dan Ddeddf Trwyddedu 2003 (Ffioedd) Rheoliadau 2005; nid yw'r ffi ychwanegol ar gyfer digwyddiadau mawr yn berthnasol i weithgareddau trwyddedadwy a gynhelir o dan Dystysgrif Mangre Clwb. Er hynny, mae'n dal yn ofynnol cwblhau'r adran hon os bydd 5,000 o bobl neu fwy yn mynychu'r eiddo ar unrhyw un adeg. Mae'n drosedd gwneud datganiadau ffug yn y cais ac fe allai hynny arwain at ddirwy o £5,000.</p>
<p>A ddylem ni gynnwys ein gardd gwrw ar ein tystysgrif mangre clwb?</p>
<p>Eich penderfyniad chi yw hynny. Wrth wneud hynny, bydd angen i chi ystyried a ydych eisiau defnyddio'r ardd rhyw dro yn y dyfodol i werthu alcohol - efallai bar tu allan mewn barbiciw neu o bosibl trwy wasanaeth diodydd a weinir. Hefyd, os nad ydych yn cynnwys yr ardd fel rhan o'r fangre drwyddedig, yna bydd diodydd a brynir i'w hyfed yno'n cyfrif fel cyflenwadau allanol a bydd unrhyw amodau sy'n ymwneud â gwerthu cyflenwadau allanol yn berthnasol. Os defnyddir yr ardd gwrw ar gyfer cyflenwadau allanol, yna mae'n rhaid i chi gynnwys disgrifiad o leoliad y lle a pha mor agos ydyw at y fangre.</p>

Gweithgareddau clwb cymwys presennol

Dylech nodi pa weithgareddau trwyddedadwy yr ydych am eu cyflawni trwy roi tic yn y blychau priodol. Wrth ystyried beth i'w ysgrifennu yn yr adran yma, dylech feddwl am yr holl weithgareddau y gallech ddymuno eu cynnal ar y fangre yn y dyfodol ac ystyried a oes unrhyw weithgareddau trwyddedadwy o dan y Ddeddf. Ar ôl gwneud hyn bydd angen i chi lenwi'r blychau perthnasol o A i L sy'n ymwneud â'r gweithgareddau hynny. Dylech gwblhau'r blychau sy'n ymwneud â'r gweithgareddau a ddiwyd gennych yn unig.

Dylech nodi'r amseroedd gan ddefnyddio'r cloc 24 awr a rhoi manylion am y dyddiau o'r wythnos yr ydych yn bwriadu i'r fangre gael ei ddefnyddio ar gyfer gweithgareddau trwyddedadwy yn unig. Mae'r gofod sy'n dweud 'nodwch unrhyw amrywiadau tymhorol', yn rhoi'r cyfle i chi gynnwys unrhyw oriau hirach neu ddiwrnodau ychwanegol yn ystod yr haf er enghraifft. Mae'r gofod sy'n dweud 'amseroedd nad ydynt yn safonol', yn rhoi'r cyfle i chi gofnodi'r achlysuron pan fydd yr amseroedd yn newid. Er enghraifft, efallai y byddwch yn dymuno i'r gweithgarwch barhau am yn hirach ar Noswyl Nadolig neu ar benwythnosau cyn gwyliau'r banc.

A oes angen i glybiau fod yn drwyddedig er mwyn cyflenwi bwyd a diod poeth ar ôl 11pm?
Nac oes. Mae cyflenwi bwyd a diod poeth i aelodau clybiau cofrestredig a'u gwesteion wedi'i eithrio o'r gofynion trwyddedu.
A oes modd i mi o dan yr 'amseroedd nad ydynt yn safonol' ddweud fy mod am agor yn hwyr i ddangos Cwpan Rygbi'r Byd /Pêl-droed Awstralaidd/digwyddiadau chwaraeon tramor sy'n cael eu darlledu yn hwyr yn y nos/yn gynnar yn y bore yn y Deyrnas Unedig?
Gallwch gynnwys pa bynnag weithgareddau trwyddedadwy yr ydych yn dymuno, ond dylech feddwl am sut y gallai'r awdurdodau trwyddedu neu bartïon sydd â diddordeb edrych ar y rhain. Gallai fod o werth siarad â'ch awdurdod trwyddedu a'r awdurdodau cyfrifol perthnasol yn gyntaf i weld pa amodau, os o gwbl, y gallwch eu cynnig i liniaru unrhyw bryderon.
Os yw clwb yn darparu adloniant ar gyfer ei westeion yn unig, ac os nad yw'n codi tâl, a fyddai hynny'n cael ei ystyried fel digwyddiad preifat nad oes angen trwydded ar ei gyfer?
Na, fe fyddai angen trwydded ar ddigwyddiad o'r fath. Mae'r diffiniad o adloniant wedi'i reoleiddio yn y Ddeddf yn cynnwys adloniant a ddarperir i aelodau clwb sy'n glwb cymwys mewn perthynas ag adloniant wedi'i reoleiddio.

Ac eithrio ym mlwch C (chwaraeon dan do) gofynnir i chi ddangos a yw gweithgarwch yn digwydd dan do, yn yr awyr agored neu'r ddau. Gall dan do gynnwys pabell.

Yn y gofod sy'n dweud 'Rhowch fanylion pellach yma', nodwch y math o weithgarwch i'w awdurdodi, os nad ydych wedi ei nodi eisoes, a rhowch unrhyw fanylion pellach perthnasol, er enghraifft (ond nid yn gyfan gwbl) a fydd cerddoriaeth wedi ei chwyddo ai peidio.

BLYCHAU A – K (Darparu adloniant wedi ei reoleiddio)

Dylech gyfeirio at adran 1 Atodlen 1 y Ddeddf neu gysylltu â'ch awdurdod trwyddedu lleol am fanylion llawn y diffiniad o adloniant wedi ei reoleiddio.

BLWCH A: Dramâu

Perfformiad o unrhyw ddarn dramatig, (gan gynnwys ymarfer), os yw'n cynnwys addasiad ar y pryd ai peidio, sydd i gyd neu yn rhannol gydag un neu fwy o bobl yn bresennol ac yn perfformio lle bydd y prif gyfran o'r hyn a wneir gan y person(au) yn perfformio, boed hynny trwy siarad, canu neu weithredu, yn chwarae rôl.

BLWCH B: Ffilmiau

Unrhyw arddangosfa o luniau symudol ac eithrio lle mai ei unig neu brif bwrpas yw arddangos cynnyrch, hysbysebu nwyddau neu ddarparu gwybodaeth, addysg neu gyfarwyddyd, os yw'n cynnwys neu'n ffurfio rhan o arddangosiad sy'n cael ei

ddangos at unrhyw ddibenion amgueddfa neu oriel. Nid yw defnyddio teledu neu radio yn drwyddedadwy, ac eithrio i ddangos rhaglenni a recordiwyd yn flaenorol.

BLWCH C: Digwyddiad chwaraeon dan do

Diffinnir digwyddiad chwaraeon yn y Ddeddf fel unrhyw gystadleuaeth, arddangosiad neu arddangosfa lle mai sgiliau corfforol yw'r prif ffactor, ac unrhyw ffurf ar adloniant corfforol sydd hefyd yn cael ei wneud er diben cystadleuaeth neu arddangosfa a gynhelir yn gyfan gwbl tu mewn i adeilad, a lle mae'r gynulleidfa hefyd i mewn yn yr adeilad hwnnw. Mae hyn yn cynnwys unrhyw adeilad sydd â tho ac yn cynnwys unrhyw gerbydau, llongau ac adeiladau symudol.

Mae lleoliad sydd â tho sy'n agor a chau yn cael ei ystyried fel digwyddiad dan do dan y Ddeddf ac nid yw gweithgareddau chwaraeon mewn lleoliadau o'r fath yn drwyddedadwy dan Ddeddf 2003. Ond, noder bod gweithgareddau eraill mewn lleoliadau o'r fath (megis gwerthu alcohol neu gerddoriaeth fyw) yn drwyddedadwy.

BLWCH D: Adloniant bocsio a wreslo

Yn wahanol i chwaraeon eraill, mae bocsio a wreslo yn drwyddedadwy os yw'n cael ei gynnal dan do neu yn yr awyr agored.

BLWCH E: Cerddoriaeth fyw

Mae cerddoriaeth yn cynnwys cerddoriaeth leisiol neu offerynnol neu unrhyw gyfuniad o'r ddau. Nid yw perfformio cerddoriaeth fyw, os yw'n achlysurol i ryw weithgaredd arall nad yw ynddo'i hun yn adloniant, yn drwyddedadwy.

BLWCH F: Cerddoriaeth wedi ei recordio

Nid oes rhaid i'ch tystysgrif ddelio â chwarae cerddoriaeth wedi ei recordio os yw'n achlysurol i ryw weithgaredd arall nad yw ynddo'i hun yn adloniant gan fod hyn yn ei eithrio. Os oes gennych jiwc bocs neu droellwr ar eich mangre mae angen i chi ystyried a yw hyn, yn eich achos chi, yn gerddoriaeth achlysurol neu a ydyw'n weithgarwch trwyddedadwy. Os mewn amheuaeth, trafodwch gyda'r awdurdod trwyddedu.

BLWCH G: Perfformio dawns

Nid yw dawnasio Morris neu unrhyw ddawnsio o natur gyffelyb yn drwyddedadwy, na pherfformio cerddoriaeth fyw heb ei chwyddo fel rhan graidd o ddawnsio o'r fath.

BLWCH H: Adloniant sydd â disgrifiad tebyg i gerddoriaeth fyw (e), cerddoriaeth wedi ei recordio (f) neu berfformio dawns (g)

BLYCHAU I – K (darparu cyfleusterau adloniant)

Mae hyn yn cyfeirio at gyfleusterau a ddarperir ar gyfer caniatáu pobl i gymryd rhan mewn creu cerddoriaeth, dawnsio a gweithgareddau tebyg.

BLWCH I: Darparu cyfleusterau ar gyfer creu cerddoriaeth

BLWCH J: Darparu cyfleusterau ar gyfer dawnsio

BLWCH K: Darparu cyfleusterau ar gyfer adloniant o ddisgrifiad tebyg i hynny yn (i) darparu cyfleusterau ar gyfer dawnsio (j) perfformio dawnsfeydd

BLWCH L: (cyflenwi alcohol)

Os ydych yn dymuno i bobl allu prynu alcohol i'w yfed o fewn y fangre, ticiwch 'mewn'. Os ydych yn dymuno i bobl allu prynu alcohol i'w yfed oddi ar y fangre, ticiwch 'allan'. Os ydych yn dymuno i bobl allu wneud y ddau, ticiwch 'y ddau'.

BLWCH M: Oriau y mae'r mangre clwb yn agored i aelodau a gwesteion

Er y gall hyn gynnwys amseroedd lle na bydd unrhyw weithgareddau trwyddedadwy yn digwydd, mae'n bwysig i'r awdurdodau cyfrifol, partion sydd â diddordeb a'r awdurdod trwyddedu i wybod am ba hyd y bydd eich mangre'n agored yn ychwanegol i'r amseroedd y bydd gweithgareddau trwyddedadwy yn digwydd. Er enghraifft, efallai y byddai'n angenrheidiol a chymesur i sicrhau bod gweithgareddau trwyddedadwy yn gorffen mewn da bryd cyn i'r mangre clwb gau er mwyn caniatáu i bawb ymadael yn drefnus.

BLWCH N

Mae hyn yn gofyn i chi i roi gwybodaeth am unrhyw beth a allai ddigwydd ar y mangre clwb neu yn ategol i ddefnyddio'r mangre clwb a allai godi pryderon mewn perthynas â phlant, er enghraifft (ond nid yn gyfan gwbl) noethni neu noethni rhannol, ffilmau ar gyfer oedran cyfyngedig neu hapchwarae. Nid oes angen i chi roi manylion yma am beiriannau AWP. Nid oes rhaid i chi gwblhau'r adran hon os nad yw'n berthnasol i'ch mangre chi, ond yn hytrach na'i adael yn wag, efallai byddai'n well i chi ysgrifennu 'dim' neu 'N/A' i fod yn glir eich bod wedi ystyried hyn, yn hytrach nag wedi anghofio i gwblhau'r blwch.

BLWCH O: Camau i hyrwyddo'r amcanion trwyddedu

Gofynnir i chi ddisgrifio'r camau yr ydych yn bwriadu eu cymryd i hyrwyddo'r pedwar amcan trwyddedu.

- Atal trosedd ac anhrefn
- Diogelwch y cyhoedd
- Atal niwsans cyhoeddus
- Amddiffyn plant rhag niwed

Peidiwch ag anghofio y dylech eisoes fod yn glynu wrth ddeddfwriaeth berthnasol ym mhob maes arall ac efallai fod gennych chi eisoes amodau ynghlwm â'ch trwydded. Dylech ddechrau trwy gydymffurfio â'r gofynion hyn. Os ydych yn credu nad oes mwy i'w wneud, yna mae'n well dweud hynny na gadael yr adrannau hyn yn wag. Os ydych yn credu nad oes yna ddim byd mwy i'w ychwanegu yna efallai y byddwch yn dymuno ysgrifennu 'N/A' neu rywbeth fel 'dim byd tu hwnt i ofynion lechyd a Diogelwch/Diogelwch Tân ayb'. Mae hyn yn dangos eich bod wedi ystyried yr amcanion ac wedi dod i benderfyniad nad oes gennych chi unrhyw beth ychwanegol i'w wneud ac nad wedi anghofio ysgrifennu rhywbeth yn yr adran hon ydych chi wedi ei wneud. Wrth gwrs, os yw awdurdod cyfrifol am un o'r amcanion trwyddedu yn ystyried bod angen i chi wneud mwy na'r trefniadau presennol, bydd modd iddynt wneud cyflwyniadau. Os oes gennych bryderon, efallai y byddwch yn ei chael hi'n ddefnyddiol i siarad â'r awdurdod perthnasol cyn cwblhau'r ffurflen. Mae gwybodaeth bellach am awdurdodau cyfrifol ar gael oddi ar wefan DCMS (www.culture.gov.uk) neu oddi wrth swyddog trwyddedu neu wefan eich awdurdod lleol.

Os ydych yn bwriadu cymryd mesurau ychwanegol, yna dylech ystyried yn ofalus beth i'w gynnwys. Mae unrhyw beth a nodir yn y fan yma yn debygol o ddod yn amod ar eich trwydded. Byddai methiant i gwrdd â'r amodau hynny yn golygu eich bod yn cyflawni trosedd o dan y Ddeddf. Felly, dylech feddwl yn ofalus am ychwanegu amodau i sicrhau eu bod yn gyraeddadwy, yn realistig, yn angenrheidiol, yn gyfatebol ac o fewn eich rheolaeth. Seiliwch eich ymateb ar synnwyr cyffredin ac ystyriaeth briodol o'r risg a beth y gallwch chi, yn realistig, ei wneud i'w lleihau.

Mae enghreifftiau o amodau posibl mewn perthynas â'r pedwar amcan trwyddedu yn gynwysedig yn y Canllawiau a gyflwynwyd gan yr Ysgrifennydd Gwladol i awdurdodau trwyddedu ac ar gael ar **wefan DCMS** Mae'r rhain yn cael eu rhoi fel casgliad o amodau posibl y gallai fod yn ddefnyddiol i bobl eu hystyried. Nid ydynt yn amodau model ac nid ar unrhyw gyfrif y dylech edrych arnynt fel amodau safonol a ddylai fod yn berthnasol i bawb.

Yn y 'Blwch Cyffredinol', rhestrwch y camau ychwanegol y byddwch yn eu cymryd i hyrwyddo pob un o'r pedwar amcan trwyddedu, er enghraifft, cyflogi staff ychwanegol.

Rhestr Wirio a datganiad

Trwy dicio'r rhestr hon rydych yn datgan eich bod wedi gwneud y gweithredoedd a restrir. Os ydych yn ticio'r blychau hyn a ddim yn gwneud y gweithredoedd, efallai eich bod yn gwneud datganiad ffug mewn perthynas â'r cais, sydd yn drosedd, a phe baech yn cael eich collfarnu, fe allech fod yn agored i ddirwy o hyd at £5,000.

Dylech wirio eich bod wedi cynnwys yr holl ddogfennaeth ofynnol. Mae hyn yn cynnwys cynllun o'r mangre clwb, y ffurflen datganiad clwb a chopi o reolau'r clwb.

Cynlluniau

Dylid cynnwys y cynllun o'r mangre clwb fel rhan o'r cais, ac anfon copi at yr awdurdodau cyfrifol fel rhan o'r cais. Dylai gydymffurfio â gofynion y Ddeddf a Deddf Trwyddedu 2003 (Trwyddedau mangre a thystysgrifau mangre clwb) Rheoliadau 2005 SI 2005/40 i ddangos y canlynol:

- (a) graddau ffin yr adeilad, os yw'n berthnasol, ac unrhyw waliau allanol a mewnol yr adeilad ac, os yw'n wahanol, amfesor y fangre;
- (b) lleoliad y manau mynediad i ac o'r fangre;
- (c) os yn wahanol i baragraff (b), lleoliad y llwybrau dianc o'r fangre;
- (d) mewn achos lle defnyddir y fangre ar gyfer mwy nag un gweithgaredd trwyddedadwy, y lleoliad ar y fangre a fydd yn cael ei ddefnyddio ar gyfer pob gweithgaredd;
- (e) strwythurau gosodedig (gan gynnwys dodrefn) neu wrthrychau tebyg sydd wedi eu gosod mewn lleoliad dros dro (nid dodrefn) a allai effeithio ar allu unigolion ar y fangre i ddefnyddio'r allanfeydd neu'r llwybrau dianc heb rwystr;
- (f) lle mae'r fangre'n cynnwys llwyfan neu ardal wedi ei godi, lleoliad ac uchder y llwyfan neu'r ardal mewn perthynas â'r llawr;
- (g) lle mae'r fangre'n cynnwys unrhyw risiau, stepiau, codwyr neu lifftiau a lleoliad y grisiau, stepiau, codwyr neu lifftiau;
- (h) lle mae'r fangre'n cynnwys unrhyw ystafell neu ystafelloedd sydd â chyfleusterau cyhoeddus a lleoliad yr ystafell neu ystafelloedd hynny;
- (i) lleoliad a math unrhyw ddiogelwch tân ac unrhyw gyfarpar diogelwch arall; a
- (j) lleoliad y gegin, os oes yna un, ar y fangre.

Oni bai eich bod eisoes wedi cytuno'n ysgrifenedig gyda'r awdurdod trwyddedu perthnasol bod cynllun ar raddfa wahanol yn dderbyniol, dylid llunio'r cynllun ar raddfa safonol, lle mae un milimetr yn cynrychioli 100 milimetr. Gall y cynllun gynnwys allwedd o symbolau i ddangos ar y cynllun uchod, ond nid oes rhaid gwneud hynny.

Oes rhaid i mi gael cynlluniau newydd wedi eu llunio'n broffesiynol?
Nid oes rhaid cael cynlluniau wedi eu llunio'n broffesiynol. Yr hyn sy'n bwysig yw eu bod yn gywir ac yn ateb y gofynion y cyfeirir atynt uchod.
A oes angen i ni ddangos ardal yfed, er enghraifft gardd gwrw, ar y cynllun os nad yw'n rhan o'r dystysgrif yr ydym yn ei throsi?
Nid oes rhaid i chi ddangos unrhyw ardaloedd nad ydynt yn rhan o'r fangre y mae'r gweithgareddau trwyddedadwy presennol yn ymwneud â nhw ar eich cynllun i gyfnewid. Serch hynny, dylech ddisgrifio unrhyw ardaloedd yr ydych yn dymuno eu darparu i bobl yfed yr alcohol yr ydych yn ei werthu/cyflenwi o dan y disgrifiad cyffredinol o'r fangre y mae gofyn i chi ei roi ar ddechrau Rhan 3 y ffurflen gais.

Awdurdodau Cyfrifol

Mae'n ofynnol i chi roi copi o'r cais, yn cynnwys dogfennau cysylltiedig i'r "awdurdodau cyfrifol" ar yr un diwrnod y cyflwynir y cais i'r awdurdod trwyddedu perthnasol. Awdurdodau cyfrifol yw'r cyrff cyhoeddus sydd â'r hawl i wneud cyflwyniadau i'r awdurdod trwyddedu mewn perthynas â chais am drwydded. Mae'n rhaid i bob cyflwyniad ymwneud ag effaith debygol caniatáu'r cais ar hyrwyddo'r amcanion trwyddedu. Mae'r awdurdodau cyfrifol yn cynnwys y canlynol, ar gyfer yr ardal lle lleolir y fangre:

- Prif swyddog yr heddlu
- Yr awdurdod tân ac achub
- Yr awdurdod iechyd a diogelwch
- Yr awdurdod cynllunio lleol
- Yr awdurdod iechyd yr amgylchedd
- Y corff cydnabyddedig sy'n gyfrifol am amddiffyn plant rhag niwed
- Arolygydd Pwysau a Mesurau (swyddogion safonau masnach)

Gyda golwg ar longau, mae'r rhestr hefyd yn cynnwys yr awdurdod mordwyo perthnasol, Asiantaeth yr Amgylchedd, Bwrdd Dyfrffyrdd Prydain neu'r Ysgrifennydd Gwladol.

Mae mwy o wybodaeth am awdurdodau cyfrifol ar gael ar wefan DCMS:

www.culture.gov.uk/alcohol_and_entertainment/premises_licences

Cysylltwch â'ch tîm trwyddedu lleol i gael manylion am yr awdurdodau cyfrifol yn eich ardal chi. Mae'n bosib bod manylion ar gael hefyd ar wefan eich awdurdod lleol.

Hysbysebu

Mae'n rhaid hysbysebu ceisiadau yn unol â'r hyn a nodir yn y Ddeddf a Deddf Trwyddedu 2003 (Trwyddedau mangre a thystysgrifau mangre clwb) Rheoliadau 2005. Mae hyn yn cynnwys arddangos arwydd ar y mangre clwb neu'r tu allan i'r mangre clwb a hysbyseb mewn papur newydd lleol. Am gyngor pellach, cysylltwch â swyddog trwyddedu eich awdurdod lleol neu edrychwch ar y canllawiau a roddir ar wefan y DCMS:

www.culture.gov.uk/alcohol_and_entertainment

PEIDIWCH AG ANGHOFIO AMGÁU'R FFI BRIODOL

Gellir dod o hyd i fanylion am ffioedd ar wefan y DCMS:

www.culture.gov.uk/alcohol_and_entertainment/fee_levels

Rhan 3 – Llofnodi

Mae'n rhaid llofnodi'r ffurflen gais ar ran y clwb. Gall asiant clwb (er enghraifft, cyfreithiwr) lofnodi'r ffurflen ar ei ran ar yr amod bod ganddo awdurdod gwirioneddol i wneud hynny.